


БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
Клуб изасланика хрватског народа



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
Klub izaslanika hrvatskog naroda

ZLATKO MILETIĆ

**Dom naroda Parlamentarne skupštine BiH
Klub izaslanika hrvatskog naroda**

Sarajevo, 13.06.2022. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 13-06-2022			
Organizaciona jedinica	Klasifikaciona oznaka	Redni broj	Broj priloga
02-50-6-16-23		22	

PARLAMENTARNA SKUPŠTINA BiH

DOM NARODA

n/r: g. Dragan Čović, predsjedatelj

Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) postavljam slijedeće

IZASLANIČKO PITANJE

U posljednjih godinu dana, građani Bosne i Hercegovine, kao i građani Evrope, su svjedoci brzih i dinamičnih promjena u pokušaju velikih sila da uspostave novi geostrateški poredak. Posebno su značajna, sa aspekta Bosne i Hercegovine, ratna dešavanja i agresija Ruske Federacije na Ukrajinu, te položaj zemalja Evropske unije u odnosu na novonastalu krizu. Već je sasvim izvjesno i primjetno, da ratni sukob ima u globalnom smislu, uticaj na svjetske finansijske tokove, privredu, posebno prehrambenu industriju, energetske i transportne privredne oblasti u kontekstu posljedica koje su uzrokovane različitim političkim stavovima pojedinih zemalja o istom. Uvažavajući činjenicu da će navedena kriza potrajati i da će vjerovatno doživjeti vrhunac krajem godine, te da je vrlo teško predvidjeti u narednom periodu da li će navedeni sukob eskalirati, u kontekstu proširenja sukoba na zemlje Evropske unije i Jugoistočne Evrope, potrebno je, pod hitno, u nadležnim institucijama svih organa vlasti u Bosni i Hercegovini, poduzeti mjere i isplanirati postupanje u eventualnoj kriznoj situaciji da bi se upravljalo izazvanim posljedicama.

S tim u vezi, postavljam pitanje Vijeću ministara BiH: da li u skorijoj budućnosti predviđa mjere ozbiljne rekonstrukcije Vijeća ministra, Ministarstva, Uprava, Agencija i dr. organa na državnom nivou, sve s ciljem smanjenja ukupnog broja organa (preko 70), od kojih je, sasvim izvjesno, najmanje njih 10 viška u kontekstu nadležnosti, a istovremeno, uspostavu novih Ministarstava, alternativno, Institucija, Agencija na državnom nivou (uz preduvjet postizanje političkog konsenzusa koji podrazumjeva suradnju svih nivoa vlasti u BiH) koje bi imale isključivo koordinirajući karakter, a čija uspostava se pokazala očigledno potrebnom i neophodnom, oblast poljoprivrede, zdravstva, obrazovanja, pitanja mladih i iseljeništva.

Ukoliko nije moguće postići politički dogovor oko navedenih pitanja, interesira me da li Vijeće ministara BiH u slučaju produblivanja globalne krize, ima u planu formirati Nacionalno krizno tijelo, jer građani Bosne i Hercegovine već dugo vremena su nezadovoljni činjenicom kako država uopće funkcioniše, pogotovo u kriznoj situaciji kakva je ova, imajući u vidu neadekvatno postupanje institucija sistema u rješavanju dvogodišnje pandemijske krize i postupanje institucija sistema u vezi aktuelnom ekonomskom krizom. Sasvim je izvjesno da s ovakvom vrstom izazova Bosna i Hercegovina se do sada nije susretala.

Mišljenja sam da na ovaj način, građanima Bosne i Hercegovine u svakodnevnom životu, možemo ponuditi rješenja za određena krizna pitanja, da kroz uspostavu novih institucija (koje mogu imati i privremeni karakter), iskoristimo sva raspoloživa znanja, vještine i pokažemo političku volju, da se urade neophodne reforme (hitno donošenje zakona, strategija i dr.) i korisne stvari za sve građane Bosne i Hercegovine, što će za rezultat imati ublažavanje postojeće globalne krize.

Pitanje postavljam Predsjedavajućem Vijeću ministara Bosne i Hercegovine.

Odgovor tražim i u pisanoj formi u skladu sa članom/člankom 159. Poslovnika o radu Parlamentarne skupštine Bosne i Hercegovine.

S poštovanjem,
ZLATKO MILETIĆ